

Uunga tunngasoq: London Mining Greenland A/S-ip Isuani saviminissamik piiaaqqeqalernissaanik qinnuteqataanut atatillugu tamanut ammasumik tusarniaassutaa 2009/16 pillugu kiisalu London Mining Greenland A/S-ip annertusisamik misissuisinnaanermik qinnuteqaataa tamanut ammasoq pillugu Greenpeacep oqaaseqarfigaa:

Tamanut ammasumik tusarniaanermut tunngasut paasissutissat eqqartoreerlugit isorisanik pingaarnernik marlunnik akerliussuteqarpugut, siunnersuutigalugulu aaqqiissutillortoqarumaartoq kiisalu annikinnerusumik ajornartorsiutitut isigisagut allat, ilaatigut misissuivissaliornissamut annerusumut qinnuteqaammut tunngasoq piffimmi tassani immikkut isiginiarneqassasut.

Ajornartorsiutitut siullertut taarusutarput uaniippoq sumiiffimmut atuineq eqqarsaatigalugu avatangiisinut sukuiaaneq, talittarfissamik toqqaaneq kiisalu sumiiffimmik alliliinissaq. Tusarniaanermut paasissutissami takuneqarsinnaasumi *"Evaluation of Enviromental and Socioeconomic Impacts for the construction of 3 camps and associated works"*-imi taaneqarsimasumi tammaarfiliornissat, talittarfeqarnissat, aqqusiniornissat il.il. piffimmi aatsitassarsiornissat akuersissutigineqareersimappata ataavartumik atorqartuaannalernissaat ajornartorsiutaavoq. Taakkumi ammaanqarpata atajuartumik atuutilernissaat naammaginangilaq, tassami avatangiisinut sunniutissanut tunngasut misissuisimanerit sivissusilerneru ukiup ataatsip tallimallu tungaanut piffissaligaaneri kisimik pisimammata. Atortussat taajorneqartut misissuinermuinnaq atorqarpud aatsitassarsiornermut atugassat ilanngunneqaratik.

Naak Naalakkersuisut tusarniaanerminni allakkaluartut *"Suliassaqarfiit akuersissutigineqarpata, tusarniaanermi kingusinnerusukkut nassiunneqartussami suut atorqeqassalissanersut kingusinnerusukkut sunniuteqarnaviangillat. Kingusinnerusukkut atuinissamut akuersissummik qinnuteqartoqarpud tamanut ammasumik tusarniaassutigineqarumaarpoq.* (Tamanut ammasumik London Mining

Greenland A/S-ip Isuani misissuivissamik akuersissummik qinnuteqaataa 2009/16) malillugu London Mining Greenland A/S-ip siunissami aatsitassarsiorfeqaannarnissaq akuereqqusaarutigisimavaat. Tassanimi qinnuteqaammi saqqummiunneqarput siunissami atortussat assigiinngitsut, suliassanut takussutissat, piunissaanut piffissaligaasoq, aningaasartuutit, atorfinititsinissamut periarfissat il.il. Taamaattumik Greenpeacep eqqarsarnartoqartippaa sooq aatsitassarsiorfissap allilerneqarnissaanut akuersissummik qinnuteqaat tamanut saqqummiunneqariinnginnersoq.

Aatsitassarsiorfissap atortussaasa sumiinnissaat siunertaareermata siunissamilu ataavartunngortussaana allinerneqarnissaalu ilimanaateqarmata, tulattarfiliornissamut, aqqusiniornissamut, tammaarfissamullu siunissaq ungasinnerusoq eqqarsaatigalugu piviusorsiorpalaarnerusumik avatangiisinik misissuisoqartariaqarpoq. Taamaattumik siunissaq ungasinnerusoq eqqarsaatigalugu talittarfiliornissamut periarfissat, aqqusiniornissat, tammaarfissanullu periarfissat pillugit Naalakkersuisut misissuititsisariaqarput. Taamaaliortoqanngippat, Naalakkersuisut minnerpaamik London Miningimut erseqqissaassuteqartariaqarput Naalakkersuisut misissuivissap paaaffiliornissamut atatillugu oqartussaallutik, kiisalu misissuivissap allamut nuutinneqarnissaa piumasalarlugu.

Ajornartorsiutip aappaa annerusoq uaniippoq talittarfiliassap sumiiffissaanut aalajangiisimaneq. Maannangaaq Taseraarsuk-miinnissaa toqqarneqarsimavoq, Nagarssuk Aninganerlu toqqarnagit. Taseraarsuk-mummi toqqaasimanerup tuttoqarfiuneranut kinguneqapilussinnaanera ajornartorsiutaavoq, tassanilu aatsitassarsiorfissamut atuuttussat taajorneqarnerini Naalakkersuisut kaammattuisimapput "uumasoqarfiit akornusersorneqassanngitsut, nunamilu naasut ajoquserneqassanngitsut kiisalu piniarnerit aalisarnerit inuussutissarsiuutillu allat ajoquserneqassanngitsut". Suli annertunerusumik ataavartumik misissuiveqalissappat, kingornalu saviminissamik misissuiviliortoqassappat annertunerusumik tuttunut sumiiffimmullu kingunipiloqartitsisinnaapput. Taamaattumik Nagarssuup kangerliumanganit Aninganerullu kangerliumanganit

Taseraarssuup Kangerliumarnga salliutillugu ataavartumik atuinerup sunniutissaanik avatangiisinut misissuisoqartariaqarpoq, qinnuteqaatigineqartup piviusorsiortumik nalilersorneqarsinnaaniassammat.

Misissuivissap qinnutigineqartup sunniutissai nalinginnaasumit misissuivigineqartartunit sunniutissaasa annertunerujussuuneri pissutigalugit misissuiviliortoqarnissaa akuersissutigineqassanngitsoq Greenpeacep kaammattuutigaa. London Miningip misissuivissaanut tunngasut qaartuujasumik suliaqanermi avatangiisinut misissuinermi piumasaqaataasuni allaqqanngillat. Assersuutigiinnarlugu talittarfiliornerup aqqusiniornerillu nunap allannguuteqarnerujussuanik sunniuteqassapput, tamannalu misissuivigineqartartutut innatik killissamik qaangiinerupput. Taamaattumillu Greenpeace kaammattuivoq, suliffeqarfiup kisaatigippagit suliassat suliarerusullugit, aatsitassarsiordermut atugassat kiisalu sumiiffissaa qinnuteqaatigeqqullugu taakkunungalu atortussat pilersaarutillu nalimmassarlugit.

Ilanngullugu Greenpeacep makku naqissuserusuppai:

- Imminut akilersinnaaneruvoq, sumiiffimmi pilersitseqqinnermut aningaasanik immikkoortitsisoqarnissaa, aatsitassarsiorfik suli aallartissimangippat. Kisianni aamma iluaqutaassaaq aningaasat qanoq annertutiginersut, sumilu pilersitseqqinniarneq pissanersoq. Aatsitassarsiorfik pilersitseqqinniarneqarpat, pilersitseqqinniarneq aatsaat pissaaq aatsitassarsiorderup uninnerani.
- Immikkut aningaasanik immikkoortitsisoqartariaqarpoq, soorlu sumiiffimmi oliaarluortoqariasaarnissaanut salinissanut atugassat, taamaalilluni Naalakkersuisut salinissamut aningaasaliissuteqannginniassammat. Saniatigullu oliekoortoqarnissaanut piareersimanermik pilersaarummik sanasoqartariaqarpoq, annikitsuinnarmik oliekoortoqalissagaluarpas salinissamut atortussat pisariaqartitat piareersimanissaat sumiiffimmi qanittumiitinneqarlutik.

- Nunami pineqartumi timmissat arlallit ulorianartorsiorput, tamanna avatangiisinut misissuinerup takutereepaa, kisiannili oliekoortoqassagalarpat, angallaneq annertusineqarpat imaluunniit aatsitassarsiorfiup timmissat qanoq suniarnerai nalilersorneqarluni saqqummiunneqarnikuunngilaq, kiisalu ulorianartorsioreernersut saqqummiunneqarnikuunani.
- Sumiiffinni taaneqartuni pingasuni Taseraarsuup Kangerliumarngani, Nagarssuup Kangerliumarngani imaluunniit Aninganermi talittarfiliornissat, tuttunut qanoq annertutigisumik ajoqusiisinnaanerata nalilersuivigineqarnissaat avatangiisinut misissuinermut ilanngunneqarnissaat imminut akilersinnaassaaq.

Naggataatigit Greenpeacep ilanngullugu oqaatigerusuppai DCE-p tusarniaanerminnut ilanngussimasaat immikkoortut. Pingaarnertullu tikkuarusupparput, akuersissummik tunniussisoqarpat, sulineq upalungaarsimaneqaqqissaassasoq kiisalu Aatsitassanut Aatsitassanullu Pisortaqarfimmit nakkutigineqarluaqqissaassasoq, London Mining Greenland A/S-imit pinnani.

Aatsitassanut Ikummatissanullu Pisortaqarfiup atortussanut tunngasut tigusimariarpagit, akuersissutigineqartumut allanneqartariaqarput, London Miningip aningaasarsiornera attuumassuteqanngitsoq, tamannali Naalakkersuisunut nalunaarutigineqartassasoq kiisalu Aatsitassanut Ikummatissanullu Pisortaqarfimmut.

Ikinngutinnersumik inuulluaqqusillunga

Jon Burgwald

Issittumut tunngasunik akisussaasoq, Greenpeace